

EURUSD ↓ 1.2179

At 19:38 Dp 1.2174 HI 1.2179

1.2179/1.2180 TTOL

Value 3/21/06



CENTRALNA BANKA CRNE GORE

Range 3/17/05 - 3/17/06
Upper Chart: Market Price



Sektor za finansijske i bankarske operacije -Odjeljenje za upravljanje međunarodnim rezervama-

EUR EURO SPOT PRICE 1.2181

Range 9/19/05 to 3/17/06
Period Daily
Market mid/trd

| DATE | PRICE | DATE | PRICE |
|--------|--------|--------|--------|
| F 3/17 | 1.2181 | F 2/24 | 1.1878 |
| T 3/16 | 1.2174 | T 2/23 | 1.1923 |
| W 3/15 | 1.2050 | W 2/22 | 1.1923 |
| T 3/14 | 1.2016 | T 2/21 | 1.1914 |
| M 3/13 | 1.1974 | M 2/20 | 1.1946 |
| F 3/10 | 1.1894 | F 2/17 | 1.1909 |
| T 3/ 9 | 1.1909 | T 2/16 | 1.1881 |
| W 3/ 8 | 1.1928 | W 2/15 | 1.1904 |
| T 3/ 7 | 1.1889 | T 2/14 | 1.1897 |
| M 3/ 6 | 1.1996 | M 2/13 | 1.1902 |
| F 3/ 3 | 1.2025 | F 2/10 | 1.1919 |
| T 3/ 2 | 1.2012 | T 2/ 9 | 1.1974 |
| W 3/ 1 | 1.1913 | W 2/ 8 | 1.1944 |
| T 2/28 | 1.1923 | T 2/ 7 | 1.1974 |
| M 2/27 | 1.1853 | M 2/ 6 | 1.1962 |

Izvještaj sa međunarodnog finansijskog tržišta (01. jun 2026 - 05. jun 2026.)

BLOOMBERG NEWS AUDIO/VIDEO

Search Audio/Video 3/17/06 19:27:27

- Bankinvest's Broby: Softbank, Vodafone, L'Oréal, Body Shop
- ICAP's Smith: U.S. European Bonds, Fed Rates and Strategy
- Fidlar's Bennett: U.S. Dollar, Fed Policy, Euro, Yen
- U.S. Comptroller General Walker: Fiscal Policy and Deficit
- Commonwealth Bank's Thurtell: Oil Prices, Iraq
- Seagate General's... (partial)
- Seagate General's... (partial)
- Seagate General's... (partial)
- Daniel Broby, chief investment officer, Bankinvest, talks about Softbank Corp.'s announcement to buy Vodafone Group Plc.
- Bear Stearns Teleconference: Fiscal First-Quarter Profit
- Microsoft's Gallmer: Stock Performance, Strategy, Products

LIVE «GO» Events

| ID | Event | Date | Time | Language | Type |
|----|--|------|---------------|----------|------|
| 14 | Legal & General Teleconference: Full-Year Earnings | 3/17 | Now Playing | English | CF |
| 15 | UBS Warburg's Hickson: Outlook for Steel Industry | 3/17 | Now Playing | English | CF |
| 16 | European Commission: Daily News Conference | 3/17 | 20:00 - 20:30 | English | CF |
| 17 | Egypt's Mottelahn: Sale of State-Owned Businesses | 3/17 | 21:05 - 21:20 | English | CF |
| 18 | Borders Group Teleconference: 4th-Qt Results | 3/17 | 22:00 - 23:00 | English | CF |
| 19 | AIG Teleconference: About Fourth-Quarter Results | 3/17 | 22:30 - 23:30 | English | CF |

USD INTEREST RATE

| Ticker | Bid | Ask | Mid | Chng |
|----------------|--------|--------|--------|---------|
| US Semi 30/360 | | | | |
| 2) 2 YR | 5.0670 | 5.0800 | 5.0755 | +0.0305 |
| 3) 3 YR | 5.0500 | 5.0720 | 5.0610 | +0.0330 |
| 4) 4 YR | 5.0620 | 5.0740 | 5.0680 | +0.0250 |
| 5) 5 YR | 5.0860 | 5.0920 | 5.0890 | +0.0235 |
| 6) 6 YR | 5.1100 | 5.1130 | 5.1105 | +0.0170 |
| 7) 7 YR | 5.1300 | 5.1350 | 5.1325 | +0.0170 |
| 8) 8 YR | 5.1470 | 5.1530 | 5.1500 | +0.0160 |
| 9) 9 YR | 5.1620 | 5.1680 | 5.1640 | +0.0135 |
| 10) 10 YR | 5.1780 | 5.1830 | 5.1805 | +0.0175 |
| 11) 15 YR | 5.2370 | 5.2430 | 5.2400 | +0.0145 |
| 12) 20 YR | 5.2670 | 5.2720 | 5.2690 | +0.0130 |
| 13) 30 YR | 5.2750 | 5.2840 | 5.2795 | +0.0190 |

US SPREADS

| | | | | |
|----------|-------|-------|-------|-------|
| 2) 2 YR | 42.88 | 44.13 | 43.50 | -- |
| 2) 3 YR | 41.50 | 42.75 | 42.13 | -0.17 |
| 2) 4 YR | 44.38 | 45.63 | 45.00 | -0.10 |
| 2) 5 YR | 48.25 | 49.25 | 48.75 | +0.25 |
| 2) 6 YR | 49.50 | 50.50 | 50.00 | +0.30 |
| 2) 7 YR | 50.50 | 51.50 | 51.00 | +0.40 |
| 2) 8 YR | 51.13 | 52.13 | 51.63 | +0.33 |
| 2) 9 YR | 51.75 | 52.75 | 52.25 | +0.45 |
| 2) 10 YR | 52.25 | 53.25 | 52.75 | +0.50 |
| 2) 15 YR | 57.00 | 58.00 | 57.50 | +0.50 |
| 2) 20 YR | 58.63 | 59.88 | 59.25 | +0.15 |
| 2) 30 YR | 57.38 | 58.63 | 58.00 | +0.20 |

Podgorica, 09. jun 2026. godine
IYC4 I52<GO>
Change on Month
IYC6 I52<GO>

Change on day
IYC4 I48<GO>
Change on Month
IYC6 I48<GO>
For US Govt Yield Curve, type {IYC1 I2
For US swap Curve, type {IYC1 I52 <G

Nedjeljni pregled kratkih vijesti

- Cijena zlata je u ovoj sedmici pala sa \$4.522,73 na \$4.328,45 po unci, kako su jaki podaci sa američkog tržišta rada podstakli očekivanja viših kamatnih stopa, ali i zbog neizvjesnosti na Bliskom istoku.
- Cijena nafte je ostala gotovo ista, iznoseći na početku sedmice \$92.41, a na kraju \$92.49 za barel.
- Stopa inflacije euro zone prešla je nivo od 3%, prvi put od septembra 2023. godine. Prema preliminarnim podacima godišnja stopa inflacije u maju je dostigla 3.2%, što je učvrstilo očekivanja da će ECB 11. juna sprovesti povećanje kamatnih stopa za po 25bp. Bazna inflacija je porasla na najveći nivo u posljednjih godinu dana i iznosi 2.5%.
- BDP euro zone je u I kvartalu smanjen 0.2% u odnosu na prethodni kvartal, uslijed značajne revizije naniže podataka za Irsku. Naime u Irskoj je BDP pao 12.1%, umjesto prethodno procijenjenog pada od 2%. Ovo smanjenje BDP euro zone otežava procjenu smjera kretanja ekonomije i komplikuje zadatak ECB-a u procjeni posljedica sukoba u Iranu i pronalaženja odgovarajućeg odgovora monetarne politike.
- Izvještaj ECB o rezervama centralnih banaka ističe promjenu u raspodjeli globalnih rezervi, pri čemu centralne banke sada drže više zlata nego američkih državnih obveznica i trezorskih zapisa. Izvještaj pokazuje da je udio zlata povećan sa 20% na 27% globalnih rezervi centralnih banaka krajem 2025. godine, dok je udio američkih obveznica pao sa 25% na 22%. Ova promjena je rezultat geopolitičkih tenzija, zabrinutosti zbog sankcija i želje da se smanji izloženost imovini denominovanoj u dolarima.

KURS EUR/USD



Kurs EUR/USD je u ovoj izvještajnoj sedmici imao silazni trend kretanja, sa 1.1667 pao je na 1.1522. U toku ove sedmice kurs EUR/USD je slabio uglavnom uslijed rasta cijene nafte i neizvjesnosti oko mirovnog sporazuma između SAD-a i Irana. Euro je slabio u odnosu na dolar i zbog jačih od očekivanih podataka s američkog tržišta rada (broj zaposlenih u privatnom sektoru porastao je u maju za 122.000, u odnosu na očekivanih 120.000). Raspoloženje prema riziku se u ovom periodu pogoršalo zbog izostanka napretka u pregovorima između SAD-a i Irana, kao i zbog napada na američke objekte u Bahreinu i Kuvajtu, što je obnovilo zabrinutost za mogući poremećaj trgovinskih tokova u području Hormuškog moreuza. Stalna pat pozicija na Bliskom istoku baca sjenku na šire tržišno raspoloženje, što dodaje sloj složenosti globalnom okruženju u pogledu rizika. Dolar je posljednjeg dana zabilježio svoj najbolji dan u ovoj sedmici, jer su trgovci, nakon objave novih podataka koji su pokazali da je tržište rada u SAD-u jače nego što se očekivalo, pojačali očekivanja u pogledu rasta kamatnih stopa. Naime, stopa nezaposlenosti u SAD-u je ostala na 4.3%, dok je broj zaposlenih izvan poljoprivrednog sektora porastao za 172.000 prošlog mjeseca, znatno iznad očekivanih 88.000, što predstavlja do sada najjasniji znak da se tržište rada možda izvlači iz produženog perioda slabog zapošljavanja.

Tabela br.4 Ekonomski indikatori u periodu od 01.06.2026 - 05.06.2026.

| Zemlja | Indikator | Period | Očekivana vrijednost | Aktuelna vrijednost | Prethodna vrijednost |
|------------------|---|-----------------------|----------------------|---------------------|----------------------|
| Euro zona | <p>Indeks potrošačkih cijena (CPI) Procjenjuje promjene u troškovima života, mjereći promjene cijena u korpi potrošačkih dobara i usluga, koje koristi prosječno domaćinstvo.</p> <p>Maloprodaja euro zone (Euro-zone Retail sales) Predstavlja mjesečnu promjenu obima maloprodaje u euro zoni i jedan je od ključnih pokazatelja potrošnje domaćinstava i ekonomske aktivnosti u regionu.</p> <p>BDP usklađen za sezonska kolebanja (GDP SA) Jedan od temeljnih makroekonomskih indikatora, koji predstavlja obračunatu vrijednost u tržišnim cijenama proizvoda i usluga, proizvedenih unutar zemlje, ali se isključuju prihodi građana i korporacija koji rade u inostranstvu. Za obračunavanje BDP koriste se 4 komponente: potrošnja, investicije, troškovi Vlade, i neto izvoz.</p> | Maj P MoM% YoY% | 0.1% 3.2% | 0.1% 3.2% | 1.0% 3.0% |
| | | April MoM% YoY% | -0.3% 0.3% | -0.4% 1.0% | 0.8% 2.1% |
| | | 1Q T QoQ% YoY% | 0.1% 0.8% | -0.2% 0.3% | 0.1% 0.8% |
| Njemačka | <p>Maloprodaja (Retail Sales) Indikator pokazuje promjene nivoa prodaje. Statistika pokriva univerzalne prodavnice i supermarkete. Pokazuje nivo potrošačkih troškova i potražnje potrošača.</p> <p>S&P Globalni kompozitni PMI indeks za Njemačku (S&P Global GE Composite PMI) Mjesečni indikator ukupne poslovne aktivnosti u privatnom sektoru Njemačke, zasnovan na anketama među menadžerima nabavke u proizvodnom i uslužnom sektoru. Vrijednost iznad 50 označava ekspanziju, a ispod 50 kontrakciju privredne aktivnosti.</p> | April | -0.5% | -0.3% | -0.3% |
| | | Maj F | 48.6 | 48.8 | 48.6 |
| Velika Britanija | <p>S&P Globalni proizvodni PMI indeks za Veliku Britaniju (S&P Global UK Manufacturing PMI) Mjesečni indeks koji mjeri nivo poslovne aktivnosti u proizvodnom sektoru Ujedinjenog Kraljevstva, zasnovan na anketama menadžera nabavke. Vrijednost iznad 50 označava rast, a ispod 50 pad aktivnosti u sektoru.</p> | Maj F | 53.7 | 53.9 | 53.7 |
| SAD | <p>Zahtjevi nezaposlenih za primanje socijalne pomoći (Initial Jobless Claims) Mjeri broj ljudi koji primaju naknade za nezaposlene.</p> <p>S&P Globalni proizvodni PMI indeks za SAD (S&P Global US Manufacturing PMI) Mjesečni indeks koji mjeri nivo poslovne aktivnosti u proizvodnom sektoru SAD-a, zasnovan na anketama menadžera nabavke. Vrijednost iznad 50 označava rast, dok vrijednost ispod 50 ukazuje na pad aktivnosti u sektoru.</p> <p>Narudžbe trajnih dobara (Durable Goods Orders - DGO) To je pokazatelj sigurnosti potrošača koji odražava njihova očekivanja i sposobnost da se novac potroši. Njegov pozitivan rast obilježava stanje ekonomije, pomaže jačanju valute. Njegov pad vodi suprotnom rezultatu. Indeks DGO je vrlo dobar indikator za budućnost. Mnogi proizvođači planiraju proizvodnju na temelju raspoloživih narudžbi, pad DGO prethodi padu proizvodnje i obrnuto.</p> | Maj 30 | 215k | 225k | 212k |
| | | Maj F | 55.3 | 55.1 | 55.3 |
| | | April F | 7.9% | 8.0% | 7.9% |

Skraćenice: P-preliminarni podaci, F-finalni podaci, S-druga procjena, T-treća i konačna procjena, k-hiljada, b-milijarda, SA-usklađeno za sezonska kolebanja, WDA-usklađeno za radne dane, A-aktuelno

Tabela br.1 Kursevi najznačajnijih valuta

| | 01.06.2026.¹ | 05.06.2026.² | % Promjena |
|---------|--------------------------------|--------------------------------|-------------------|
| EUR/USD | 1.1659 | 1.1522 | -1.18 |
| EUR/GBP | 0.86652 | 0.86371 | -0.32 |
| EUR/JPY | 185.67 | 184.66 | -0.54 |
| EUR/AUD | 1.62211 | 1.63525 | 0.81 |
| EUR/CHF | 0.91047 | 0.91717 | 0.74 |
| USD/JPY | 159.27 | 160.29 | 0.64 |
| GBP/USD | 1.3456 | 1.3342 | -0.85 |

Tabela br.2 Pregled referentnih kamatnih stopa vodećih centralnih banaka

| Centralna banka | Referentna kamatna stopa | Visina referentne kamatne stope | Naredno zasjedanje |
|---------------------------------|---------------------------------|--|---------------------------|
| European Central Bank (ECB) | „ECB main refinancing rate“ | 2.15% | 11.06.2026. |
| Federal Reserves (Fed) | „Federal Funds Target Rate“ | 3.75% | 17.06.2026. |
| Bank of Japan (BoJ) | „Overnight Call Rate“ | 0.75% | 16.06.2026. |
| Bank of England (BoE) | „Official Bank Rate“ | 3.75% | 18.06.2026. |
| Swiss National Bank (SNB) | „Libor Target Rate“ | 0.00% | 18.06.2026. |
| Bank of Canada (BoC) | „Target Overnight Rate“ | 2.25% | 10.06.2026. |
| Reserve Bank of Australia (RBA) | „Cash Rate Target“ | 4.35% | 16.06.2026. |

Tabela br.3 ESTR i Euribor

| | 01.06.2026.¹ | 05.06.2026.² | Promjena u baznim poenima |
|-------------|--------------------------------|--------------------------------|----------------------------------|
| ESTR | 1.930 | 1.931 | 0.10 |
| Euribor 1w | 1.941 | 1.903 | -3.80 |
| Euribor 1m | 1.983 | 2.009 | 2.60 |
| Euribor 3m | 2.2268 | 2.312 | 8.52 |
| Euribor 6m | 2.547 | 2.584 | 3.70 |
| Euribor 12m | 2.804 | 2.842 | 3.80 |

¹ Vrijednost na otvaranju tržišta u ponedjeljak.

² Vrijednost na zatvaranju tržišta u petak.

EVROPSKO TRŽIŠTE DRŽAVNIH OBVEZNICA



Prinos na 10-godišnje njemačke državne obveznice tokom ove sedmice porastao je sa 2.97% na 3.04%. U ponedjeljak je prinos rastao jer je eskalacija tenzija između SAD-a i Irana podstakla zabrinutost oko inflacije i pojačala očekivanja u vezi povećanja kamatnih stopa ECB-a tokom ove godine. Već narednog dana mješoviti signali u vezi sa naporima da se okonča sukob doveli su do pada prinosa. U ostatku nedelje preovladao je rastući trend na ovom tržištu. Rast prinosa u srijedu je podstaknut rastom cijene nafte, što je naglasilo rizik rasta inflatornih pritisaka. Iako se narednog dana prinos kolebao, u petak je ponovo zabilježen rast. Naime, prinos je pratio kretanja na američkom tržištu obveznica, gdje je snažan izvještaj sa tržišta rada uzrokovao rast prinosa. Dodatnu podršku prinosu na 10-godišnje njemačke državne obveznice pružila su očekivanja da će ECB na junskom sastanku povećati kamatne stope, a da će do kraja godine biti ukupno dva, a moguće i tri povećanja.

AMERIČKO TRŽIŠTE DRŽAVNIH OBVEZNICA



Prinos na 10-godišnje američke državne obveznice tokom ove sedmice je porastao sa 4.46% na 4.53%. U ponedjeljak je prinos porastao nakon vijesti o prekidu američko-iranskih mirovnih pregovora, što je dovelo do rasta cijene nafte. Krajem istog dana i tokom narednog dana prinos je uglavnom slabio uslijed različitih izjava američkog predsjednika i izraelskog premijera o sukobima u Libanu. Rast cijene nafte i izvještaj o povećanju broja zaposlenih u privatnom sektoru SAD-a u maju pojačali su očekivanja da bi Fed mogao povećati kamatne stope, što je u srijedu dovelo do rasta prinosa. Već narednog dana povećan broj zahtjeva za naknadu za nezaposlenost u SAD-u doveo je do slabljenja prinosa. Međutim, u petak je objavljen još jedan snažan izvještaj sa američkog tržišta rada. Broj zaposlenih prema platnim spiskovima u nepoljoprivrednom sektoru premašio je očekivanja, zbog čega je prinos na 10-godišnje američke državne obveznice porastao za 5bp.

ZLATO



Cijena zlata je ove sedmice pala sa \$4,522.73 na \$4,328.45 za uncu. U ponedjeljak je cijena zabilježila pad nakon izvještaja da će Iran obustaviti razmjenu poruka sa SAD, što je povećalo sumnje u obnovu primirja i rizik od dužeg perioda povišenih cijena energije, dodatno pojačavajući zabrinutost oko inflacije. Već narednog dana cijena je oscilirala uslijed pada cijene nafte, da bi potom nastavila da slabi nakon jačeg od očekivanog izvještaja sa američkog tržišta rada, koji je pojačao očekivanja u vezi sa povećanjem kamatnih stopa Fed-a. Prekid vatre između Izraela i Irana, uslovljen prekidom izraelskih vojnih operacija u Libanu, kao i rast očekivanja u vezi sa smirivanjem sukoba na Bliskom istoku u četvrtak su uzrokovali oporavak cijene zlata. Međutim, najveća promjena uslijedila je u petak, kada je još jedan bolji od očekivanog izvještaj sa tržišta rada SAD-a podstakao očekivanja u vezi sa povećanjem kamatnih stopa Fed-a, što je uzrokovalo oštar pad cijene zlata.

NAFTA



Cijena nafte se tokom ove sedmice kretala u rasponu \$92.13 do \$98.36 za barel, a na nivou sedmice gotovo se nije ni promijenila, iznoseći na početku \$92.41, a na kraju \$92.49 za barel. Prva tri dana preovladao je rastući trend cijene ovog energenta zbog tenzija na Bliskom istoku i neizvjesnosti oko pregovora SAD-a i Irana. Nakon objave Irana da će obustaviti razmjenu poruka sa SAD-om, cijena nafte je u ponedjeljak snažno porasla. Iako je izjava predsjednika SAD-a da su Izrael i Hezbolah postigli dogovor o obustavi međusobnih napada dovela do pritiska na cijenu, rastući trend je nastavljen nakon izjave izraelskog premijera da će se kampanja u južnom Libanu nastaviti, kao i nakon objave Kuvajta o privremenoj obustavi vazdušnog saobraćaja. Međutim, poslednja dva dana sedmice došlo je do korekcije cijene naniže, uslijed naznaka smirivanja tenzija. SAD su saopštile da su Izrael i Iran postigli dogovor o implementaciji sporazuma o prekidu sukoba što je povećalo nade u smirivanje situacije na Bliskom istoku.